

銅鼓書常遺稟

銅鼓書堂遺藁卷九

宛平 查禮 恂叔

己巳 四月起

金川歸化恭紀一百韻

有序

岷山西番夷接壤大金川其一也昔年嘗從征伐界以土  
官近歲乃侵軼鄰番負其險阻梗化不悛乾隆戊辰冬  
上命上相經畧之翦其黨與番酋震懼乞降遂班師焉初  
因蜀塞用兵滇黔諸郡吏多調事軍需臣禮曾以戶曹郎  
發滇襄事旋因奏凱停往隨改粵西郡丞竊以目覩清晏  
之祥躬際昇平之化敬陳百韻聊代擊壤之歌云爾  
帝德恢無外

皇慈格有苗山高憑箭定詩美詠弓昭卉服齊通禹垂裳

盡仰堯禮成徧禪禡樂奏制咸韶勲業垂青汗聲靈怒赤

熒信知憐超兔不僅變飛鵠六韻總敘隴蜀疆隅廣西南險阻

饒微盧周代助邛笮漢時朝羌焚長馳後羈縻歷世遙民

風徵象譯使節遣星軺四韻蜀夷玉壘森千嶂金川渺一嶠

子來曾號赤蟲細合名么鑠耳斑衣倩雕題翠髮影從征

及共執受職寵仍邀四韻初敘金居逸偏多戾潛深敢自

驕鄰邦兼狎侮接壤遂攻剽戢戢蟻緣介逵逵犬走猋遁

逃甘聚藪烽燧漫侵宵四韻其蟲動化外難文告安邊戒動搖

我思和以劑彼病渴於瘠嶠險圍應頓巢危焚必焦徵兵

掃蟻蠊分將靖僬僥四韻出兵尚爾矜超距居然扞采樵窮

魚誇撥刺首鼠恃趯跳堅守騰饑虎煩謀聚沸蜩老師空

擐甲曠日但鳴刁四韻言納張二公事

聖武殷寧宇軍威重建標合符士盡屬設旄騎皆驍上相  
懷孤憤中誠冠百僚請行初日皎承命北風颺四韻言  
師華轂傳公出

皇躬擁芳藁御手調百壺樽溢蟻三錫劔裝珧端拱臨  
軒檻精禋告

廟祧陸辭溫似續旆出疾如飈六韻言師保咸攀柳天潢亦

駐鏢共期歸轡速早慶塞氛消送傳公皇驛征無滯河塽

度更遼計程煙杳杳冷雪濛濛燕嶺纔前夜秦關又詰

朝奔馳勒任絕章奏燭頻銷四韻言春遇交中使精勤

勵後凋甘分厨下膳俊賜射前鵬慰問勞俱忘都俞福

共微休光誠藹吉佳氣自清濲四韻言上叱馭凌千仞

連營遠七橋需糧遲木馬涉水棄泥橈石磴牽修綆皮船

勝小船寒峯指掌慧霜氣淨炎歊四韻言中鵠須穿目呼

盧在得臬貪狼徒肆狡文雉敢呈嬌駢首姦同戮傾心衆

不囂懸旌遮夕照飛礮震雲霄四韻言喻害蟲皆賊

如耘蕨是穠訴哀身願縛乞命語維曉將令宣乘銳軍心

誓啗妖墨痕浮盾鼻鴟響急弓殤四韻言金川乞

天子恩眞湛東風律轉條有嗟崑玉燼不尚血流漂一面

開羅網連村保領腰惠方周骨體澤已徧天喬四韻言

懋賞桓主搢崇猷驚冕超勳宐休咎桓榮豈藉房椒二韻

忠勇瑞靄林開霧歡聲谷應潮連營環帶嶮猛帥越峇嶷

顧盼今通道周巡昨戰礮怪形驅魍魎醜類遁山魈四韻

公入壇建階墀築門開綵繡飄蛇行股竝栗磨伏首微翹

六事嚴銅柱三章重斗杓感深顙屢搔悔極淚如澆四韻

降表赤呈金費杼丹奉玉瑤論功彰赫濯卻餽恤荒要稚  
女睂初黛童男髮尚髻立祠同社祭供佛比僧寮壁壘遂  
巡撤籓籓次第燒比鄰安故堵率土息征徭六韻言其貢  
琛撤卡等事  
豹變開戎索鷁鳴返革輦依依循柳色款款踏蘭茗二韻  
言還  
師

郊社虔饗豆

園陵肅血膾成平深瘞玉峻極烈焚蕭盛事奎章製豐

碑翠石雕焜煌垂有倬惕厲示無忒四韻言祭  
告立碑錫燕羅彝

筭陪筵集珥貂鷹揚徵舞蹈魚藻寓笳簫二韻言  
宴及演岳公入

金川大賚周師集臚歡舜舞招卽今歌宴宴在昔夢迢迢

二韻言捷伐高湯武謙冲過妣姚乾宮純孝備

慈聖德輝昭奉冊

親呈表開筵

后拂綸珎璜和殿幕絨綬映庭燎

四韻言上慈寧徽號

憶昨勤輪輓

征車挂飲瓢風塵晨共發亭解夜堪僑聚米看山勢羣官

用部挑掄材及樗櫟采論愧芻蕘郎署旋辭度滇池擬駕

轎從征期慷慨同隊逐飄飄奏凱尋由蜀微臣改渡瀟待

聽湘水瑟爲鼓楚江橈詩思惟追柳居民竝治猺長歌懷

北闕擊壤比風謠

十韻自述

百草溝展墓

昔人重墳墓情見丙舍帖蕭蕭草拂路撼撼松鳴葉歲時

每展掃已感霜露涉況茲當遠行萬里驚舟楫南游波浪

長北望雲山接驅馳懷舊邦庸碌愧先業烝嘗本躬親忍

使他人攝魚蔬聊一陳再拜淚承睫

少小誦詩書終年膝前繞夕侍依燈檠晨興傍灑掃堂構  
尚依然往事餘華表痛及春秋來淚濕原上草一旦遠松  
楸江湖隔浩渺洞庭水如天桂嶺青不了回首萬里餘惟  
有夢魂遶痛親無百年痛兒非少小何如繞膝初常得娛  
親老

將之粵西賦別心穀履方兩兄

曉看連枝樹清陰欲滿庭別時雙下淚宦跡一浮萍遠道  
悲風雨高原怨鵲鵲池塘春夢杳草色憶青青

黃髮依慈母娛衰藉笑歡七旬雖豐饒一室貴團欒江海  
嗟行役晨昏媿問安扶持煩伯仲每飯勸加餐

五嶺分天末湘灘起白波自來山水秀無奈瘴煙多桂子  
經秋落音書少雁過歸期難預料腸斷賦驪歌



畱別沾上諸友

出處音塵隔奔馳歲月侵贈言仁者事惜別古人心銅鼓  
詢蠻俗蕉花待月吟相思難細說愁共楚江深

畱別李仁山姊婿

河聲迤邐送歸鞍項子城頭落月殘時仁山初自項城歸小聚暫申  
離別久遠行旋說道途難鬚眉漸恐嗟遲暮嫁娶誰能及  
早完遙望長沙更難去寄書應報姊嬾安

泊窯灣口舟中見新月同高季冶作

黃昏泊窯灣舟與漁舍鄰篷窗見微月雨後色逾新清光  
明似玦纖影抱虛輪江湖乍有輝河漢本無塵雲外杳難  
攀意與靜者親關山期萬里渺如銀海垠惜少盈樽酒何  
以勸嘉賓

午日嶧縣舟中

一歲一重午今朝事遠遊  
桐陰榭火外蒲劒岸風抽衆水  
爭歸壑羣山送客舟鄉關雲樹  
隔離思獨悠悠

駱馬湖口逢符幼魯農部

京華回首隔天涯別後同驚宦  
跡賒駱馬湖邊萍水合青  
徐路闊夕陽斜風帆昨帶迎梅  
雨樽酒今依斷岸花話舊  
知難期信宿誰憐聚散似搏沙

舟阻京口

金焦山色媚詩情巨浪偏愁一  
葉輕風雨連朝寒鐵甕可  
堪臥聽晚潮聲

雨後過奔牛寄薊北諸友人

奔牛打槳過居人靜林垆疎煙  
生土鏹籬花繞門庭野竹

秀參天叢木翠若屏  
潮落樹根出繞岸貼青萍  
漁罾次第列水氣有餘腥  
卽景懷故鄉素交盡忘形  
別來已匝月零落如晨星  
飛鳥獨南翔閒鷗戀晚汀  
遙憐風雨夕微吟竟誰聽

六月六日家貢木上舍招同高季治布衣泛舟南湖登煙雨樓遲家文木上舍不至

北闕青雲迴南湖紅藕香炎蒸鷗鷺避雨足荻蘆長  
百里無山色千村盡水光粼粼打槳過風景宛瀟湘  
憑高忻四望不雨亦清幽松桂環層檻煙波聚一樓  
長塘延市屋密柳覆漁舟寄跡慚漂梗天涯客正愁  
惆悵斜陽外聊將酒入脣前途萬里遠更奈一官貧  
空羨他鄉美何能此卜鄰遲遲看月上坐待海濱人

北新關舟中苦熱

涼颼呼不至驟雨刻難期  
薄宦惟清俸嚴關費苦思  
火雲歸海疾赤日入山遲  
暑夜憑誰遣支頤獨詠詩

題竹素園

翛然棲隱地靜掩白雲關  
獨占三分水中藏一角山  
謝鯤原避熱王勰自能閒  
何必因看竹相期數往還

六月十二日吳中林汪西顥過竹素園因邀高季冶小飲分韻得四支

暑不侵修竹涼惟我共知  
叩關來舊友催雨候新詞  
接席陰連座澄懷綠滿池  
林泉借小住赴粵未妨遲

六月望後二日金繪占觀察吳中林司馬梁首存杭大宗二編修陳星齋檢討汪西顥吳敦復趙誠

孚施竹田四上舍招餞湖亭賦別

小住湖濱不待招幽深亭館暑全消荷風縐浪翻千頃山  
雨飛涼過六橋差喜官程畱勝地得追玉局在今朝灘江  
桂嶺相思處長望音塵慰寂寥

錢塘江上早秋

江上西風早入秋驚心時序付東流不須避暑尋三泖已  
放新涼到小舟越國雲山憐夕照宦遊情緒愧閒鷗坐聽  
兩岸蟬聲急把酒篷窗動客愁

江行雜詩

白沙翠竹滿桐江漁艇縱橫聚小舫縹緲雲煙波浪闊中  
流擊楫臥篷窗

江上秋風午後涼筆牀茶竈泛輕航生涯何必隨漁具兩

岸農家早稻香

桐君山與戴山連無數松杉長石巔好景不妨閒領畧畫  
睂聲裏雨如煙

大江東去幾時還靜愛層層山外山竹木叢深藏瓦脊十  
分青翠繞鵝灣

江聲澎湃起驚湍不斷青山盡日看卽此忙閒難自定舟  
穿石齒過三灘

章江舟中苦熱

早秋秋後涼晚秋秋熱苦斯言耳熟聞經驗良自古今秋  
立夏尾六月二十五金聲鳴戌亥一葉落桐樹我意必秋  
熱朝夕愁肺腑秋來已二旬熱果猛於虎俗謂秋熱爲秋老虎赤日  
臨章江波濤忽若煮舟人畏炎蒸渾似魚在釜遙峯不見

青炎氛塞四宇舉頭望穹蒼拭目已昏瞽徧體白汗流氣  
結難吞吐嗟無廣廈居潛身思島嶼何來水閣棲小泊宐  
風渚願興南浦雲爲送西山雨

八月一日早發萍鄉江流淺涸灘石嶙峋小舟盡  
倒行二十里泊矮子橋

磷磷石齒下灘難半尺清流消漸乾小艇盡將頭作尾  
間小船盡倒行名倒扒子好山多得背先看林閒樵徑秋聲細江上魚  
磯夕照殘矮子橋邊停棹客夜深倚枕聽驚湍

湘東

水落灘灘露舟危板板穿篙師貧且病旅客日如年隔港  
喧山市遙村起暮煙湘東堪小泊覓句聽鳴蟬

夜泊雙江口

沙外分江口天邊月似弓灘聲穿石響野燒徧山紅客況  
經秋淡鄉心有夢通桂林何日到孤艇任西東

舟行自淥江入湘江

宦跡仍愁客路艱秋風江上幾人閒心驚淥水兼湘水日  
落昭山帶隱山幾處松杉遮石徑深慚巖穴閉柴關篷窗  
亦復多幽思莫歎天涯鬢欲斑

水車

蠻徼資力耕山田急灌既厓高江又深何以佐不逮截流  
爲長砮木椿夾石塊激水成灘形鼓怒響澎湃瀆瀑勢浪  
湍練影忽斜界水口置水車智巧創何代編藤以爲架穿  
架軸較大截竹以爲筒俾繫架之背團圞如磨迴旋轉若  
輪快晝夜不暫停活潑隨機械川靈代人勞沛然溢溝澮



功奏勝桔槔利普同水磴我家盤山西亦有靈泉派北人  
恆苦愚惟多抱甕輩嘉彼獐與獐經營詎小慧行將歸學  
農持此濟荒廢

舟行

船頭破浪水生紋兩岸疎林挂夕曛別有篷窗幽絕處臥  
看山色坐看雲

晚泊卽景兼寫懷

碧水無情任去畱野灣深處暮停舟杉皮低架臨流屋竹  
瓦斜披倚石樓窗外江光明月上橋邊人影淡煙浮幽棲  
動我離鄉思薄酒沾來不解愁

扁舟遙寄楚天涯望隔千山路尚賒雲樹入秋偏媚客夢  
魂何夜不歸家居官未有三年續行止何堪一念差待到

湘南南盡處擬將風景報京華

中秋夜雨泊舟瀟湘交匯處

去年對月在青門此夕瀟湘傍水村屈指離家百二日天南聽雨正消魂

秋雨秋風入暮斜中秋無月倍思家陰晴應與南天別庭桂香飄濕露華

阻雨瀟湘祠下作

祠古瀟湘岸征帆信宿留雲山非故國風雨逼孤舟氣淨南天瘴涼生衆壑秋客懷何寂寞未及事冥搜

石磯站

一水灣環處山光作畫屏人家高下住舟楫往來停

鵬郎家多

此住隔岸鐘聲近連天杉影青我來仍小泊夕照滿迴汀

入粵西界

上下連茆

楚粵以上下廠分界上廠屬粵下廠屬楚

陰陰煙水蓊亂峯分楚

粵密樹接

猺獐雲氣空秋日江聲壓晚風人家籬落靜唧

唧叫山蟲

平山渡口遇雨次遯先韻

簫聲侵曉夢起望濕雲浮楓葉紅連岸江流碧占秋看山  
消宦興聽雨益鄉愁渡口無人跡沙汀繫短舟

行全州松陰道上

已巳之秋秋漸暮分符萬里天南路看山未到桂林奇松  
到全州奇不去下有多年陳茯苓暗藏琥珀光晶熒盡言  
至此天色異誰信於茲地亦靈就中一樹叢蘭赤松有寄  
蘭色香花作珊瑚寄豔魄安得枝枝竝著花從教赤松此  
竝異

寄跡前迎後送百里中夾道偶或閒丹楓有聲有色難具  
狀點染惟有造化工慣歷歲寒羨不朽出入常見童成叟  
何年騎鶴更來看借作長空拂雲帚

重陽前三日借寓陳中丞舊宅時庭桂始花菊尚  
未放

借宅街西避市囂故人情重豈須招看山不礙權穿牖聽  
雨何妨補種蕉對酒香宜丹桂晚題詩葉愛碧梧飄更催  
秋菊添佳色暇日期將慰寂寥

寓齋月夜

關山回首夢難甜夜靜邊城刻漏嚴秋縱亂峯青入郡月  
寒古桂碧侵簾故家未許交情減宦跡偏嗟客思添聊借  
詩書供遣興我真卻畏俗人嫌

遊北郭九子院遂探拱宸洞洞在寶華山左麓  
寶華山嵯峨高峯挂秋樹北郭抱山口保障雉堞固倚山  
結道院去城僅數步閒來獨尋游入門足幽趣三閒虛白  
房兩閒雲借住松燒折足鐺茶煙自吞吐屋背峙巉巖石  
壁薦蘿附山腳一洞深仙源藏此處坐久林籟清境淨空  
凡慮夕陽暝山椒野塘下孤鶩

泊梧州過訪平泰階太守五寶臣司馬泰階畱同  
寶臣夜飲漫成

苒苒歲云暮征途水驛艱孤舟城下泊清暑夜深攀榕樹  
陰連屋珠潭光射山灘江流不盡高處聽潺湲

回憶辭

廷日同膺

命兩重

泰階以禮部初發湖北寶臣以比部初發貴州余以

農部初發雲南旋同改廣西

三時嗟鳥過一夕喜萍逢宦味如雲薄交

情似酒濃語餘鄉思亂殘月影溶溶

泊三水縣

孤城百雉上寒煙三水迴環到縣前  
江市人人沽臘酒蟹船隻隻易春聯  
殘年遠岸雞聲杳斜日空林塔影偏  
入夜摸魚歌四起始知身已在南天

除夕同王逖先上舍遊長壽菴

客裏逢殘歲來尋離六堂蠻花紅覆檻  
畦菜綠依牆橋斷畱遺跡龕空有舊香  
老僧談逸事佇立到斜陽

庚午

廣州元日寄履方仲兄

元日風和景物妍羊城旅館繞晴煙  
嶺南氣候殊中土薊北春光隔遠天  
纔放鄉心辭舊歲轉因骨肉感新年  
何堪

客裏重爲客，悵望鵲原賦短牋。

鐵樹歌

離披大葉色紅紫，甲子一周一見藥。惜哉三年前未來，已

過丁卯無花開。

鐵樹每遇丁卯年則花余於庚午來粵

君不見一春歲八千

何若靈椿不紀年。

正月小盡日梁修遠太守招飲廣州郡解

念念正月盡，相對兩忘言。鳥語喧官閣，風聲逼海門。新詩  
五字穩，春酒一鑪溫。柚子花初放，濃香膩客魂。

二月二日雨中過獨漉堂訪陳祝三秀才喜遇李

澄百明府

春陰壓江城，春雨濕簷柳。客處苦寂寥，不怯衝泥走。高人  
樂幽獨，安居鍵門牡。扣關聞吟聲，塵壒澹無有。數椽老屋

寄跡前迎後送百里中夾道偶或閒丹楓有聲有色難具  
狀點染惟有造化工慣歷歲寒羨不朽出入常見童成叟  
何年騎鶴更來看借作長空拂雲帚

重陽前三日借寓陳中丞舊宅時庭桂始花菊尚  
未放

借宅街西避市囂故人情重豈須招看山不礙權穿牖聽  
雨何妨補種蕉對酒香宜丹桂晚題詩葉愛碧梧飄更催  
秋菊添佳色暇日期將慰寂寥

寓齋月夜

關山回首夢難甜夜靜邊城刻漏嚴秋縱亂峯青入郡月  
寒古桂碧侵簾故家未許交情減宦跡偏嗟客思添聊借  
詩書供遣興我真卻畏俗人嫌



遊北郭九子院遂探拱宸洞洞在寶華山左麓  
寶華山嵯峨高峯挂秋樹北郭抱山口保障雉堞固倚山  
結道院去城僅數步閒來獨尋游入門足幽趣三閒虛白  
房兩閒雲借住松燒折足鐺茶煙自吞吐屋背峙巉巖石  
壁薦蘿附山腳一洞深仙源藏此處坐久林籟清境淨空  
凡慮夕陽暝山椒野塘下孤鶩

泊梧州過訪平泰階太守五寶臣司馬泰階畱同  
寶臣夜飲漫成

冉冉歲云暮征途水驛艱孤舟城下泊清暑夜深攀榕樹  
陰連屋珠潭光射山灘江流不盡高處聽潺湲

回憶辭

廷日同膺

命兩重

泰階以禮部初發湖州北寶臣以比部初發貴州余以

農部初發雲南旋同改廣西

三時嗟鳥過一夕喜萍逢宦味如雲薄交

情似酒濃語餘鄉思亂殘月影溶溶

泊三水縣

孤城百雉上寒煙三水迴環到縣前  
江市人人沽臘酒蜃船隻隻易春聯  
殘年遠岸雞聲杳斜日空林塔影偏  
入夜摸魚歌四起始知身已在南天

除夕同王逖先上舍遊長壽菴

客裏逢殘歲來尋離六堂蠻花紅覆檻  
畦菜綠依牆橋斷畱遺跡龕空有舊香  
老僧談逸事佇立到斜陽

庚午

廣州元日寄履方仲兄

元日風和景物妍羊城旅館繞晴煙  
嶺南氣候殊中土薊北春光隔遠天  
纔放鄉心辭舊歲轉因骨肉感新年  
何堪

客裏重爲客，悵望鵲原賦短牋。

鐵樹歌

離披大葉色紅紫，甲子一周。一見藥惜哉，三年前未來已。  
過丁卯無花開。鐵樹每遇丁卯年則花余於庚午來粵君不見一春歲八千，  
何若靈椿不紀年。

正月小盡日梁修遠太守招飲廣州郡解

忿忿正月盡，相對兩忘言。鳥語喧官閣，風聲逼海門。新詩  
五字穩，春酒一鑪溫。柚子花初放，濃香膩客魂。

二月二日雨中過獨漉堂訪陳祝三秀才喜遇李澄百明府

春陰壓江城，春雨濕簷柳。客處苦寂寥，不怯衝泥走高人。  
樂幽獨，安居鍵門牡。扣關聞吟聲，塵垢澹無有。數椽老屋

開圖史堆座右短垣俯小池疎花綴虛牖心清寡所好微  
言抱深負相對坐春風勝於飲醇酒君祖多奇才昔稱無  
價手人生本如寄著述斯不朽君今名籍甚文藻繼其後  
忽聞方叔來云亦詩社叟邂逅喜相遇良晤自非偶余固  
宦遊人不獨擇僚友嘗欣薦紳後名繼林泉某詩叟意如  
何語暫情須久

雨中登越秀山寄高季治布衣

灤州井里季不見已經年手植千株樹躬耕二頃田  
季治受井里二頃賜嶺雲依北闕江雨暗南天登眺懷君處春山叫杜鵑

采葛行

山頭種葛葛葉長山花落水溪流黃鳥髻紅衫腳不襪蠻

家少女面如月手裏鉤刀一尺橫截來纖葛春雲輕爲郎  
作絲爲郎織衣成淨比秋霜色秋霜色春雲姿吳綾蜀錦  
知多少不及羅浮葛稱時

補慶遠郡丞

到處雲山結夢思驚心百粵任驅馳離家萬里官猶客慶  
遠今堪借一枝

午日桂林觀競渡用劉賓客競渡歌韻

海樗照眼如火明桂林五月無啼鶯楚臣不返汨羅魄楚  
南競渡猶楚聲日午山光圭影準翠纛紅旗互牽引窄艇  
長舲宛似龍短棹利爲截波刃黃頭棹郎喚棹開龍尾天  
矯顛浪來流沫灑成南海霧怒濤響作南山雷頭上黑雲  
看忽近瘴起天南惟一瞬卻空驟雨洗炎氛嶺煙四繞渾

如暈何人移取赤城標向晚流霞映畫橈共說餘歡還未  
盡江干重遣夜燈燒猺童獍女爭奇賞沙汀雜沓時來往  
酒肆頻看青旆高歌聲沸徹雲霄上銅斗誰家踏浪兒菰  
蒲深處釣竿持衣涼柝響人初散獨自收綸夕照時

感懷

薄宦南州勿漫嗟棲身何處不天涯蠻煙低壓黃茆瘴宿  
雨摧殘木槿花碧水清堪茶供客青山險礙夢歸家惟愁  
遠道難將母陟屺空勞望眼賒

權平樂郡

桂林南接萬山青分野何能辨一星高入九峯樓木客交  
流二水枕江亭從來化洽惟先德自愧才疎在緩刑漫說  
功名期五馬敢叨印綬負 天庭

聞人南懷大令以富川草囊見寄詩以謝之

鱗鱗刺襪巧宛宛織錦功不知野燒外幾度吹春風芊綿  
芳意在組織驅神工自謝裊腰綠囊色淡古銅如卷龍鬚  
席縮納襟裾中我有蘭茝香恥入繁華叢從君作紉佩比  
德將無同

戲簡修仁鄭勝律大令

聞道修仁城郭孤民貧地瘠半荒蕪不知大令升堂日曾  
乞夫人打鼓無

諺云修仁荔浦居官最苦縣主升堂夫人打鼓

送朱文彩通判憑祥土州

宦跡難自持率土遐亦邇願勿計榮枯違復論生死今君  
去蠻方爲期幸無幾春秋謹溫涼風俗堪臥理一語更囑  
君莫飲憑祥水非必是貪泉竊恐便爲鬼

諺云不怕憑祥鬼只怕憑祥水

飲卻憑祥水  
變作憑祥鬼

九月十五晚招同人遊印山亭印山古名昭山亭

舊名點翠在灘樂二水合流處

郭外斂斜暉江空晚渡稀孤亭乘興到四望野煙微夜氣  
橫秋老寒峯斷雁飛鄉書久未達誰此羨魚磯  
突起中流石閒堪繫畫橈江聲二水合月色一天饒但索  
人畱句無須更折腰若非樽酒樂何以遣良宵

畱別平樂諸友人

初寒風色落江城忽聽驪歌斷續聲樂水清畱三月飲潯  
關遠挂一帆輕千山黃葉村墟冷兩岸斜陽橘柚明回首  
到來閒日少無詩徧及友人情

龍頭磯



風土此閒惡中多疾苦民懸崖連虎穴遶壑住猿人髮落

黃茆瘴

嶺南瘴猶如嶺北傷寒也仲春訖仲夏行青草瘴季夏訖孟冬行黃茆瘴見通眞子瘴氣論又嶺外

有黃茆瘴患者髮落見舊五代史

頭纏白氎巾

高昌國有草實如蘭中絲如細蘆名曰白氎國人取

織爲布見南史粵中男婦多以白布纏首故云

陰霾山鬼泣礮石冷江濱

自練灘至昭平縣

曉起下練灘灘水奔何怒頃刻來昭平風散江上霧巖邑見人家銅鉦鳴古戍村民赴城市野航泛早渡漠漠識嶺雲歷歷辨汀樹舟子荅漁歌驚起銜魚鷺境幽覺身閒目淨慊心懷約畧記征途宵負林泉趣

白石汀逢何懋士大令

雲山青復青宦跡逐浮萍如水交情澹逢君白石汀

冬日灘江舟中

灘江水淺灘聲譁灘石齒齒如犬牙山徑盤紆曲似蛇陰  
巖紅葉作飛花澄潭迴溜寒魚鰕黃蘆苦竹映白沙居人  
茆屋傍水涯孺女赤腳髻分丫蠻兒腰鼓爭相撾笑余萬  
里遠攜家

夜泊龍母廟

日落江光寒霧黑暗星曜灘平水無聲鐘鳴龍母廟蒼梧  
粵西門自昔稱孔要此閒駐水師飛航巡夜哨世安樂太  
平烽煙靖邊徼停舟翻寂寥懷古欲誰弔更深鬼燐青點  
點如螢照山昏斷行人高樹老烏叫

舟過蒼梧訪五寶臣司馬畱飲晚香軒

放舟不數里漏斷霜風曉繫舟蒼梧城江口雲山渺登岸  
訪故人官廨無煩擾坐我以竹牀酌我以清醪晴日滿窗

櫺几淨鑪香嫋敗柳垂階前枝上啼蠻鳥相對話離情薄  
醉鄉思繞故關北闕遙宦跡南天杳衡峯阻飛鴻嶺外音  
書少每想白髮親惟望月皦皦君心亦我心情深話難了  
暮色侵寒煙軒空人語悄

藤縣夜泊

瘴癘生南嶠藤州有舊城連山交樹影亂石走灘聲新月  
如鉤落疎燈幾點明浮金亭子外一葉泊舟輕

牂牁江上寄汪西顥徵君武昌

幾點霜花月半灣牂牁江上水潺湲美人香草懷三楚濁  
酒黃柑醉百蠻客裏無書供我讀篋中有句待君刪年來  
嶺外稀消息惆悵天南鬢欲斑

平南縣

山到平南斷孤雲在遠峯江寬愁夏漲縣小急冬春稼穡  
勤民力弦歌豫士容潛然鄉思動慚愧對喬松

潯州府

青峯幾點帶晴霞二水爭流捲白沙繞郭獵人多種桂近  
山蠻女半栽茶斷藤峽口西風急銅鼓灘頭夕照斜視權  
此邦初問俗春來應及課桑麻

歲時荏苒去如梭嶺外冬深氣尚和越嶠千航通估客滇  
池百物聚關河閣虛澄霽期邀月樓近觀風待作歌誰築  
新亭名望雁我來惟見暮雲多

登清風樓

山色思靈近灘聲銅鼓收風清攜滿袞歲暮獨登樓沙鳥  
衝煙沒寒雲出岫浮不知江上客浪跡幾人留

鐘書遺集卷九  
殘歲雨夜不寐聽西山龍華寺鐘聲

屋老窗空傷古榕三更寒雨散羣峯邊關萬里無歸夢臥聽西山寺裏鐘

遊思靈山

昔聞思靈山清景超塵俗唐時李御史於茲脫情慾後來宋姚坦此緣未曾續或名姚翁巖山靈不爲辱迢遙隔古今往事棋一局余生聽沈浮敢企凌雲躅

西山郡主祠

叢祠祀李侯雲霞輝棟宇傳云唐侍御韜軒歷茲土登巖忽隱形神庇潯州府西山昔有災猛獸民所苦太守禱其祠樹閒立斃虎祈求感潯人宋封此山主我來拜侯前亭日卓午時清無所祈聊以弔往古

銅鼓書堂遺藁卷九終

男淳孫

樞林

校刊

銅鼓書堂遺藁卷十

宛平 查禮 恂叔

辛未

元日雨中登潯州城樓

江帶潯州近柳州新正風雨暗城樓蠻兒蠟屐喧津口  
蜑子漁船繫石頭已覺南天煙瘴合遙知北闕日光浮  
關山萬里陰晴別感觸離懷不自由

送王述先上舍歸錢塘兼簡杜禹門太守

客云歸蠻山春動草芽肥客心違林叫鉤輶鷓鴣飛  
詩囊茶臼整行具欲別未別話情愔更殘漏絕黯魂銷  
美人老大傷遲暮羨子扁舟返故鄉帆隨春色下錢塘  
未知良會更何地握手江干空斷腸爲問當年賢太守  
別來三載相

思否相思否及時行樂莫蹉跎勸君常滿樽中酒

平南晤李漢侯大令

午發相思洲暮過平南縣風雨無休時舟行人亦倦令稱  
李漢侯衝泥索相見推篷促膝談問俗知芳甸淺沙萌紫  
薑高原長白菟贈我檳榔膏兼以枕椰麪愧乏瓊與瑤報  
以青絲絹作吏尚廉潔此物詎云賤

蒼梧阻風

蒼梧三江門江聲此吐吞銅鼓巖頭雲蔽月顛風終夜吹  
不歇曉來無限山水情舟人勸我舍舟行南天迴與中土  
別殘臘梅花飄似雪

元夕泊昭平

江干巖邑小元夕喜初晴俗儉無歌吹城荒早報更試燈



忘令節對月動鄉情獨醉篷窗酒撚鬚五字成

正月十九日舟過平樂夏昌言大令偕邵堯書何南仲王人望招飲

江上山城又放梅扣舷再過意徘徊元宵行樂余遲到今

日偷閒印未開

次日

戲吏搏獅燈滿院

夜舞王人望手製加官獅子燈

清

歌按拍夜傳杯故人情重難言別倩緩三更漏勿催

伏荔司

山勢旋折處水亦隨之過砢砢住人家谿徑淨塵浣杉檜  
秀而古茆屋無頽挫坡平長簣簣翠滴逾萬个蕭祠枕江  
流風雨紙窗破林閒塔影圓靜聽鈴聲播巖腰路一髮樵  
子走坎圻洲渚起漁歌鼓枻我堪和愛此不忍去卜築擬  
高臥

榕門風雪夜懷水西莊

蕭條桂觀壓危牆，卻怪春寒似故鄉。  
獨宿榕門風雪夜，尋梅夢繞水西莊。

柳州羅池謁柳侯祠

讀公種柳詩，遺恨感絲絲。  
今過羅池地方，瞻刺史祠文章。  
光異域靈爽震蠻夷，往事何須述。  
昌黎舊有碑。

西山采茶歌

細雨輕雷山谷曉，喚春鳥出呼春早。  
小樹婆娑數尺高，先時抽出金鷹爪。  
西山何盤盤，窈窕環清湍。  
陽崖日初暖，陰圃風猶寒。  
陽崖龍嵒繞，陰圃茶樹叢。  
叢山接渚居者誰，采茶戶行者誰。  
采茶父歌者誰，采茶女旭日曛。  
曛光未吐，穿林入塢尋儔侶。  
不畏山行瘴霧多，但愁茶少難盈筥。  
聞道

今年異昔年昨朝已禁清明煙清明纔過穀雨近紅薑紫  
筍咸爭先低枝低易摘高樹高難擷茶價擬黃金茶歌擬  
白雪一采茶正肥再采茶已稀連羣抱筐去約伴負筐歸  
焙成新火滿林香蠻地誇傳第一綱誰家瓦缶鳴松雨煮  
出春煙幾縷長

穀雨前二日曉入思靈山

西山草色翠黏天山下村墟繞碧泉出郭曉風吹雨過春  
陰十里焙茶煙

以西山茶寄柳州孟方臣太守兼索荔子碑

昨逢江上布帆斜片刻離情別後賒

二月相遇維客江上

欲慰相思

無別物西山新焙雨前茶

一曲清歌酒一卮聞君日日到羅池慚余乞米書難就飢

渴翻思荔子碑

懷烏蘇占寶臣司馬

層雲漠漠萬山遮無限相思付水涯  
春雨春風愁絕處杜鵑飛上木棉花

春日雨中登清風樓

遠山幾點綠如螺城上風和二月過  
柚子花開春雨密蜚兒船泊晚煙多  
登樓不作愁霖賦脫劍何妨斫地歌  
聊倩同人一進酒殊方未得遣詩魔

潯州春詞

思靈山前喚鷓鴣思靈山後叫鷓鴣  
棟花風裏爭春色木棉花發垂珊瑚

春晴

乍暖透晴光尋泥燕子忙一江春水淨兩岸菜花香

汎舟

舟輕雙槳穩春水正茫茫幽處鷗堪狎隨波弄夕陽

送春

黑雲迷疊嶂白雨響危樓江上遊人少天涯花事休自憐  
萬里客又了一春愁何計消長夏茶鎗勝酒甌

藤江驛夜雨

陰雲四野合夜雨接潯關亂石圍孤驛雄江落百蠻漁燈  
昏遠岸村火暗前山急柁侵宵夢含愁鬢欲斑

晚過昭平

萬疊雲山壓水村灘江新漲碧波渾孤舟侵曉迎流上臥  
聽篙聲到縣門

過平樂晤顧若華太守若華方自都回任余喜獲  
聞家事感而有作

今夕經昭潭潭水何洋洋太守聞我來秉燭具壺觴我來  
自牂牁君亦渡瀟湘昔我權此邦今還客我堂問君昨至  
都自必過我鄉我家有兄母別來已三霜雲山八千里回  
首心神傷白首近如何竊恐髮轉黃乃聞兄且健老母更  
康強母言兒勿念兄言弟勿望庶免防彼岷庶免防彼岡  
贈醫者韋鐵髯

戈戟爲髯別有名空山采藥覓長生刀圭自得神仙術君  
是當年王少卿

明王格嘉靖進士累官太僕少卿致仕後  
嘗於峨眉山遇道人韓飛霞授吐納服食

之術晚年  
鬚髯如戟

閨重五榕門樓作

按節虛中氣端陽閏未年清樽憐病後顧影酌誰先競渡  
舟應繼榕門艾更懸故園風景別樗火可還鮮

夏夜舟泊陽朔懷汪西顥

陽朔真巖邑環山竝巔劣到此暑漸消幽興爲之極遠寺  
夜鐘清連峯靜月色推篷獨銜杯吟情忽繞北念我同心  
儔蹤闊無消息安得晤良宵願借雙飛翼

過平樂時方苦旱

離樂交流淺扁舟過舊邦乾風枯野樹暑日耗荒江安得  
咒龍起旋將旱魃降雨工無處覓揮汗洒魚砭

昭平舟中

片雲不遮日千里獨還潯徭峒炎氛熾蠻溪毒瘴淫老農  
方禱雨薄宦正驚心沛澤難爲力愁深欲廢吟

阻風灘江舟中苦熱

半載權潯郡三月艱行旅往來殊憚煩衝波兼觸暑暑風  
沸灘波中流柁難鼓舟人但避風不知熱更苦倍覺客心  
焦能無汗如雨水落露石根日氣蒸沙渚吁嗟倚斷崖急  
難爲穴處鳥倦思舊枝人勞懷故土自顧無長策何不隨  
老圃

過蒼梧

小村濁酒喚頻沽來往江頭聽鷓鴣萬里南天舟似葉一  
年七度過蒼梧

相思口

晚過訾家洲夜泊相思口相思江水深復深不敵合歡一  
杯酒



潯江口號

山角纜痕如鋸齒石根篙眼似蠶窠  
牽名牽利知多少終古潯江剩白波

早秋夜坐

葉落梧桐枕簟幽牀牀河江上思悠悠  
山雲一朵銜新月嶺樹千章入早秋  
鵲噪朝會添客喜蟲吟夜豈解人愁  
挑燈獨坐詩難穩露濕簾櫳未下鉤

贈石草釋子

四民雜沓中由來達者少羣趨爭利名  
舉世爲擾擾塵紛寡定見靈性惑茫渺  
誰能辨之真惟靜乃易了蠻鄉一臞僧  
頭白眸子瞭獨臥灘上菴寂若深林鳥  
抱膝喜孤吟禪心空四表索句憑天籟  
秋聲下木杪似此信超凡眼底衆

山小俯仰天地閒古今一晷曉

清風樓夜坐

閒來憑縱目何必酒頻傾夜靜涼風至樓高落月明驚心  
棲嶺表側耳洗灘聲地遠音塵絕空思候雁征

重九後二日過報國寺西齋訪石草釋子

訪僧勝覓菊語妙臭如蘭詩愛西齋句琴依石草彈梵音  
空殿寂山色落窗寒坐覺襟懷曠方知淨域寬

夜窗對菊

病起思無聊閒書蕉葉綠夜深孤燭斜人影瘦如菊

寄薊北諸友

夜長時候客思家曉起旋驚日又斜萬里一身愁浪跡三  
湘五嶺極天涯燕山春盡無芳草粵國冬深有杏花欲識

離懷難遣處請看溪水漾流沙

嶺外每

一枝不必前村雪疎影何須映水斜嶺外梅花春信早冬  
殘落徧野人家

歲除

解虛人靜鳥聲喧歲盡天南異故園四野蠻花開且落一  
樽濁酒默無言早春色染雲山徧薄暮思牽煙雨繁北望  
難堪回首處離懷常繞北堂萱

壬申

元日書懷

元日復元日己巳歷壬申異鄉已三載思母將八旬回首  
捧檄時本希慰慈親一朝隔嶺外終歲斷音塵竊恐違子

道能不愧純臣烏私兼報國緩急此一身居卑天聽  
高衷曲誰引伸遙知進春酒白髮應更新仲兄扶左右繞  
膝樂事眞而我望雲山何啻吳與秦願借雙鳬鳥晨昏向  
天津

正月六日舟發潯州

春風一棹下潯關水鳥依人去復還翠滴沙閒濃淡竹青  
浮江上淺深山新年茆屋村村靜晴日漁舟浦浦閒底事  
忿忿苦徵逐光陰石火鬢毛斑

人日牂牁江上寄懷張雲澍司馬

獨泛烏篷艇翻因山水勞蠻江多瘴癘人日靜風濤何處  
梅花最空瞻庾嶺高羊城春色早有客理征袍

雲澍書云  
春初入都

缺待

晚發蒼梧

雲山澹無際春風料峭寒片帆挂新月又上蒼梧灘

摹印歌寄贈高澤公上舍

篆書八體體各異刻符摹印兩竝衡宣和官私聚作史明  
昌祕玩尤專精流傳鐵畫僅百一梯粟敢敵盈倉盈渤海  
高生冀北秀白睂傑出同儕驚窮研六書辨點畫蟲魚恰  
狎句萌呈陳倉石鼓字半爛朝那詛楚碑未平興酣落筆  
一規仿蠡匾入手肖物成就中摹印復神妙考據彝器兼  
鼎鑑古文奇字要徧識往往爲客記姓名辟邪天祿堆滿  
室踵門乞字車彭訇嗟余昔時頗好此年來作吏情筆耕  
三橋松雪且閣置金陵不問何長卿春山風和吹草發蠻  
花繞樹鉤輈鳴灘江舟中遙相憶作歌聊寄萬里情

練灘雨泊懷石草釋子

亂峯月黑叫山魈  
舟泊春江一葉漂  
茶臼煙消人寂寂  
篷窗燈暗夜迢迢  
孤雲獨鳥棲何處  
苦雨淒風感此宵  
想見曹溪禪室靜  
老僧琢句自投瓢

南亭驛逢烏蘇占寶臣司馬

驛前春水長森森  
空江寂亂山彌濕  
雲風雨摧枯荻半載  
不見君使我心常戚  
扁舟邂逅逢握手  
煩襟滌歲月歎荏苒  
殷勤慰離析酌酒話  
肝腸今夕忻良覲  
君才松柏長樗櫟  
吾非敵萬里同一身  
獨慚毛義檄

衛家渡舍舟就道曉行風雪中

連朝鼓棹滯江流  
且駕山輿棄短舟  
莫道南天惟瘴雨  
春寒風雪似幽州

二月二日過興平渡

三汊浮綠水孤艇挂漁蓑二月春光暗渡頭雲正多  
昨曾從此過石隴冷山梅花落隨流水萍蹤去復回

牂牁江上見雁

家住盧溝盤谷閒春秋鴻雁應時還自從身入南天後音  
斷衡陽嶺外關

迴雁峯南無雁聲此言舊日說分明何期今夕蠻江上落  
照天邊一字橫

嘹嘹飛過隔溪山旅客驚心淚暗潛況是年來傷遠別聞  
聲腸斷鬢毛斑

將至潯州舟中望思靈山

扁舟春水上縱目見西山飛瀑如江立歸雲似客還數峯

疎雨外一寺古松閒來日堪攜屐尋幽次第攀

春夜潯州權解讀亡兄心穀遺集

權館閒無事春宵月上時天邊鴻雁影燈下鵲鴿詩今昔  
情如醉存亡路已岐愁深吟不得寂寞復誰知

花朝孫宿文招同袁廷籲盛方千王晴川及淳泳  
潛洪四兒雨中遊思靈山

爲赴尋幽約支筇出郭西黑雲橫遠岫綠水漲前谿鐘磬  
空巖落山雞深樹啼崎嶇渾未覺屐齒慣高低

寒食

百堵陰濃薜荔疎一聲啼鳥落庭除春城寒食無人過曉  
雨空厨禁火初傾甕尚餘經臘酒故園未到隔年書蠻鄉  
節序侵尋改愁絕天涯歎索居



題天南策馬圖爲王倫敘司馬遺照

銅柱功高天一方千叢笏竹如邊牆山風颼颼吹蠻疆黃  
茆瘴重煙茫茫羈縻司馬惟王郎身親簿領駐明江遐荒  
無事烽火藏聲華奕奕侔黃欽君保障歷星霜三年宦  
跡仁風揚訓苗理土靜不忙從容策馬猶升堂昨秋聞信  
痛云亾吁嗟一郡失循良使君雖逝畱甘棠有識同悲盡  
斷腸孤魂旅櫬倍淒涼春來有子遠奔喪手捧遺像出錦  
囊乞余數語爲表彰恍然覩面獨神傷淚滴清酒奠一觴  
生前交誼江水長隙駒不復少徬徨意憑尺幅何能詳惟  
望君後繼餘光

上巳後二日登清風樓

冷官閒似看雲僧城上孤樓又一登上巳纔過風日好江

金東隱先生遺集卷一  
船爭曬打魚罾

白沙翠竹遠村低  
空闊江天望眼迷  
無奈流光驚客思  
棟花風裏杜鵑啼

送李時升副戎調任太平

憶昨君過訪秋宵  
臥病時別來經半載  
何日不相思  
邊徼蠻山靜空江麗水長  
國家崇舊制笏竹莫編牆  
握手春風裏扁舟未肯畱  
太平從此去無事說封侯

曉下銅鼓灘

曉出小北門濕雲掩山嶂  
解纜登江船浩浩江水漲  
旋下銅鼓灘澎湃灘聲壯  
狂波擊石齒雪捲奔湍  
沆傳聞此灘內銅鼓昔年葬  
至今打槳過蓼蓼響其上  
灘師習水性按柁破怒浪  
舟輕似箭飛中流坐無恙

棉筆

中原勤采拾白雪秋花鮮女紅得餘羨緝綴爲如椽操觚  
失毫末落紙生雲煙自今笥篋中永無寒瘦篇雞毛賴承  
乏兔穎邀息肩何時賜湯沐封汝綿上田

畱別桂林楊蕃洲大令

年來司權住潯關朝暮憐君逐往還無事獨登江上閣有  
時同看雨中山宦情不似中流急庶務何辭大邑艱我去  
宜州千里遠離亭話別淚潛潛

畱別孫宿文上舍

三年聚首兩心投一夕分襟無限愁垂老新詩多入格全  
家生計且須謀雲山暫共舒青眼時序偏教感白頭五月  
蠻林紅似火遲行端爲荔枝畱

風雨中上弩灘有懷長和兩姪

扁舟回首隔潯潏半日揚帆破浪危騁目雲山飛瀑處驚  
心風雨上灘時鄉園萬里何迢遞骨肉三年久別離爲寄  
一言須記取成名始不愧男兒

曉過石門山懷古

風起石門舟下遲沈香浦外早潮時扁郎指點貪泉處猶  
有吳君舊日祠

討越將軍去幾秋雄兵曾此駐山頭呂嘉積石今何在不  
見當年控海樓

夏日武義民州牧招同杭大宗編修全紹衣庶常

胡惠嘉孝廉遊梅氏園卽席分韻得十五刪

梅氏園林竹石閒忻同舊友叩柴關侵簷蠻鳥依人下壓

檻洋花負日閒地迴近連禪院樹園連海臺孤遙控海門

山幾年嶺表愁中過今此銜杯一解顏

渡金城江投宿郵亭與郭伯鵬州牧夜話

筍乘冒炎熱蠻路草樹萋日落四山紫行行筋力疲羣峯  
高巖業金城江水低村廬竹扉靜郵亭足幽棲空庭涼露  
濕月色明窗西坐中客不去閒話到雞啼

過梓潼閣訪印黼昌太守

夙昔晤雲澍殷勤道君善參商無由逢夢寐增繾綣杖策  
辭潯關奔走歷亭傳朝暮瘴雨侵新秋鳥聲變忽聞五馬  
來登閣茲乘便握手頓忘形知心初識面情古貌復蒼修  
髯垂若線話久渴思消瓜果銀盤薦旅食進尤佳玉米兼  
桂麪日來蠻山中騰坑復驀礪荆榛鉤肘襟足踏雲萬片

到此塵慮清相對釋勞倦憑眺倚斜暉鐘聲聞道院

南丹道中

終朝曳杖對孱顏附葛攀藤登涉艱  
屋相連村上下蠻溪不斷水潺湲  
輕雲淡日濛濛雨異草奇葩疊疊山  
天末秋風縈客思筍輿停處鳥飛還

南丹土州

三寶山如黛青雲溪似羅未知風俗異  
遑辨土音譌宋代封州後居民莫姓多  
羽書傳不絕巖哨在邕峩時通緝湖  
北羅田天

堂寨逆匪  
馬朝柱

宿南丹礦廠寶王廟僧舍

向夕僧窗暫寄身四山近繞石嶙峋  
水穿坑礦聲喧市火煅金銀氣逼人  
微月一龕涼夜磬孤燈半壁淨秋塵  
倦憑

短榻眠初熟可有歸家夢似真

德勝鎮

有序

乾隆十五年六月八日禮任同知慶遠府事分防德勝鎮  
旋即權守平樂繼監督潯關樞務忽忽兩載今於十七年  
七月十一日甫蒞斯土見鎮之廬舍繁庶士民淳樸因詩  
以記其勝

亂山叢竹望相連燈火人家繞市廛

鎮有居民數千戶

一鎮文章

誇秀士

慶郡人文以德勝爲最孝廉茂才數百人

千屯禾稼慶豐年

是歲有秋鎮屯田皆

熟夜嚴鼓吹孤城月曉肅貔貅百戶煙

鎮轄土兵百名有營房百間

不

意蠻鄉有此地須知

帝澤徧南天

荅印

補昌太守見寄

辛勤同路防嵯峨別後相思半月過夜靜秋蟲鳴砌畔涼  
生桂樹倚庭柯瘴鄉地僻經過少蠻府官閒警句多卻喜  
郵筒頻寄我山齋煮茗細吟哦

聞李向叔縣尉已蒞平南詩以寄懷

牂牁江上水聲長節近重陽菊正黃聚族羣猺谿崗僻趁  
墟幼婦蠶船忙解中宜築彈琴室池畔應開射鴨堂莫厭  
老民數陳牒判詞端寫十三行

九月八日發柳州

遠山紅樹掠飛鴉秋色侵人望眼賒竹葉盆空違看菊鯉  
魚風急促移家五月家寓柳州今又攜往昭江江城客去煙初散野店投  
時月未斜衰柳條條回首處往來蹤跡笑搏沙

再權平樂



昭州今再至舊俗不須更山靜居人樂江清吏治平酒堪招故侶詩未負初盟爲問漁樵者幾多風雨驚

杭大宗編修自廣州以詩見寄依韻和荅

珠江返棹後山水隔重重屈指經三月馳書第二封死生通夢寐前二夕夢與大宗及心穀兄分韻賦詩聚散感萍蓬回首羊城路何能更遠從

恭城縣

冰雪堅堪履風霜冷逼天山城依碧水竹戶繞荒煙臣節推周渭閨賢重莫荃歲殘來問俗風土記當年

再別平樂

重續印山緣殷勤事屬權棲遲無半載前後忽三年景短殘冬逼情長別思牽何時還戴月於此一畱連

銅鼓書堂遺稿卷十終

男淳孫

耀林校刊